

故城縣志卷九

文翰

文章在天地間如元氣之流行綱紀賴以植立
政教藉以修明簡書凱切則心神懾服咏歌渾
厚則志氣和平敷陳之而記傳金石之而碑銘
下至一人之小善末德壤地之矩矱疎林一經
品題千載不朽謹摭見存脩錄如左志文翰
勅諭

勅諭陝西按察司僉事馬中錫朕惟自古帝王治

天下者率以興學育材爲首務而學校之興廢人材之盛衰治道之隆替繫焉此蓋已然之明驗也今特命爾巡視提督陝西各州府縣儒學爾其欽哉夫總理一方之學政是卽一方之表率也然率人以正必先正己爾其務端規範嚴條約公勸懲俾爲師爲弟子者一崇正學廸正道革浮靡之習振篤實之風庶幾儲養有素而待用不乏斯足以稱簡任之意如或因循歲月績效弗彰朕將爾責焉爾其勗哉所有合行事宜申明條示於後其慎

行之毋忽故諭

勅諭都察院左副都御史馬中錫今特命爾巡撫大同地方贊理軍務爾至彼務先訓練軍馬撫卹士卒養其銳氣俱要衣甲齊整器械鋒利城堡墩臺坍塌以時修治俾其完固仍督理屯田糧草并預備倉糧須令充足點視騎操馬匹務令餒養臙壯禁約官軍頭目不許一毫科剋下人及私役耕種其錢糧出納之際尤須關防嚴謹不許官吏人等侵欺作弊如遇開中及買糧料草束不許勢要

豪猾之徒報占鹽窩及誑攬價銀不卽上納一應
詞訟卽與受理軍民職官有犯不法等事輕則量
情發落重則奏聞區處凡遇軍情重務及邊報聲
息仍與鎮守總兵等官公同計議從長而行分守
叅將遊擊守備等官俱聽節制事有利於軍民有
益於邊備者聽爾便宜處置爾爲風憲重臣受茲
委任尤須攄忠竭慮正己率人公勸懲明賞罰抑
惡扶善除奸革弊以肅靖邊方必事妥人安兵強
食足邊境肅清地方無慮庶副委託之重如或處

置加致生嗟怨責有所歸爾其欽承之母忽故諭

遣直隸河間府同知王汝翼諭祭于都察院左都
御史馬中錫曰爾才學閎博德性剛方名重賢科
聲馳諫院臬司外試理寺內遷馭歷既深譽望斯
重逮超憲府綏撫得宜載貳卿曹勤勞脩著雖從
請老旋卽召還復總都臺出贊軍務潢池有警特
命討平議與時違禍隨謗至大功未就瘐死可悲
公論載明初心乃白追念往績爰加卹恩慰爾英
靈特賜以祭九原有知尙克歆服

勅太僕寺少卿孫緒順天等府所屬州縣寄養馬
匹專脩征調及京營各邊之用歲久吏怠民玩日
見耗損該管官員又不以時追補惟圖赦免以致
姦頑之徒輕視作踐弊出百端倒失數多其見在
之數又多瘦損不堪倘遇緊急調用誤事非細茲
特命爾前去該府遍歷所屬地方專一督理前項
馬匹爾須時常點聞比較務要臚壯數足仍督同
分管寺丞管馬通判及各州縣掌印管馬官員嚴
督養馬人役用心餵養毋致瘦損倒失照依後項

事例立限責其賠償雖遇赦不免蓋此事積弊已深或有禁革振舉良策例不該載者聽爾推類行之爾職司馬政受茲委託須持廉秉公殫心竭慮以舉厥職如或虛應故事因循廢弛罪不輕貸一年滿日將該追未完之數明白交割接管官員一體整理仍將比較過馬匹臆息分數及賠補拖欠馬數造冊奏繳以憑查考爾其慎之慎之故勅勅戶部郎中李獻可糧運國家重務近年以來漕規廢弛奸弊多端見今八月將盡運到糧米不及

十分之四比之往年尤爲遲滯今特命爾前去通州以南直抵儀真等處查照戶部節次奏行事例用心督催軍民糧運船隻分頭差委的當人員沿河催儻酌量地理遠近各定與到京限期不分晝夜督并前來上緊交納中間若有奸懶官軍人等或乘漕運缺官總督在途延緩致使凍阻希圖寄囤水兌以遂奸計者逐一嚴加查訪應拿問者徑自拏問應叅究者指實叅究仍嚴督沿河一帶各該府州縣衛所地方掌印等官如遇河道淤淺務

要併力挑濬疏通運船如有違誤照依該部原擬施行其餘合行事情悉聽爾從宜處置事完回京復命爾旣受茲委用宜盡心竭力區畫得宜務俾糧運早完京儲不缺斯稱任使爾其敬之慎之毋忽故勅

勅河南按察司副使李際可今命爾專管河南河道兼本管地方水利爾於河道凡黃河經行河南地方常川巡行用心防護遇有淤塞當疏濬者疏濬之衝決當修築者修築之務使河安故流運道

無妨河南一方有水利去處凡已行而未能完修者添工修理有故跡而未嘗舉行者逐一舉行務使水無壅塞民受實惠工程之小止令在官人夫那移整理事大者卽便督令所在軍衛有司量起人夫併力修治聽爾便宜而行若有應該損益重事徑自奏請定奪經該官員人等敢有故違誤事者輕則聽爾量情責罰重則拿問如律應叅奏者叅奏處治爾爲憲臣受茲簡命尤須秉持公道悉心經理以副委任如或始勤終怠但務虛名不究

實效致使河患未息水利不行責有所歸爾其勉之慎之故勅

勅諭南京兵部尙書周世選朕惟南京國家根本要地機務重大非歷練老成莫克贊理今特命爾不妨部事叅贊泰甯侯陳良弼等守脩機務整飭兵脩固守城池操練軍馬撫安人民但遇賊寇生發隨卽調兵相機剿捕毋令滋蔓凡一應軍民事務利有當興弊有當革者悉聽爾同內外守脩官員計議停當而行其管軍管匠等官并各大小頭

目人等若有科擾尅害私自役占下人致妨操練
及工作等事者輕則量情懲治重則具奏區處節
年營伍消耗一應清勾募補等項查照近題事理
著實舉行軍士如有驕悍不法者許以軍法從事
爾爲重臣受茲委託宜殫竭忠誠正已率下務俾
留務修舉根本永固庶副朕意如或偏執因循以
致誤事責有所歸爾其勉之慎之故諭

兵部尙書直隸山東河南總督臣朱昌祚謹
兵部侍郎提督順天等處地方學政臣熊伯龍

題爲請

旨事據本年四月初九日河間府署知府事俞品詳原
任兵部侍郎銜陝西提學使已故祕丕笈學貫天
人道究孔孟作忠作孝四十年益殫厥心立德立
功三不朽獨全其美五任京華禮樂多資裁正兩
膺方面官吏胥化貪殘著述必本乎程朱奏議悉
歸於正大洵足模楷士類師表人倫乞准入祀鄉
賢等因

臣

伏思名宦鄉賢從祀

聖廟俎豆千秋關係綦重向來督撫學政各省

題請入祀之人雖有事實不無溢美一經

胡城縣志
卷之六
睿鑒其舉報不實者並府縣官員均受處分臣愚仰體
皇上詳慎之至意未敢自以爲是仍請
敕下該部官員詳審確議核實具

題則俎豆不敢濫邀祀典愈知鄭重矣據該司取具
事實冊結前來除冊結送部外臣等謹合詞具

題
於康熙四十四年四月十五日

題本月十七日奉

硃批祕丕笈學有淵源究心傳註志行誠篤坊表堪垂

其在中外端謹廉正朕所深知依奏入祠無容部

議欽此

精進

碑記

新築城池碑記

學士吳節

安成

故城縣舊隸河間府原無城郭成化改元之明年
監察御史東平梁公觀巡歷畿甸奉臺劄凡邑宜
築城者如例乃偕河間太守賈公忠相視地形以
其負景禧而臨衛河挾安德而跨棘津人阜物繁
非高城深池不足以蔽固風氣宣泄地靈於是督
其邑知縣唐高縣丞林泰典史舒暹合八里編民
併工營築僅一月而工成廣袤三百三十餘畝高